


LEARNING TARGETS WORK!

Targeting Student Achievement one Subject at a Time

DISTRICTWIDE CURRICULUM ALIGNMENT TO STATE STANDARDS




Tsev qha lub hom phaj qhuab

**Lug qha txug kev kawm, yug tug
kheej/kev sis poo hab kev ua num**



Milwaukee Public Schools

MPS LUB HOM PHAJ QHUAB NTUAG



Hawm cov nam txiv/Saib miv nyuas:

Phoo ntawv nuav sawv kev Tsev Qha Ntawv Milwaukee lub Hom Phaj qhuab ntuag. Lub Hom Phaj qhuab ntuag nuav has txug yaam yuav paab koj tug miv nyuas kev kawm, kev luj hlub/kev poo npoj hab dlej num.

Teeb Hom Phaj Qhuab Ntuag rua cov kawm qeb (K-4, 3-5, 6-8, 9-12) npaav tau tas cov xib fwb, cov qhuab ntuag hab lwm cov ua num kws npaaj paab yuav xaav tuab yaam txug miv nyuas kev luj hlub. Huv cov tsev qha ntawv hab ib lub rua ib lub, peb npaav tau tas cov hom phaj nuav hab kev qha ntawv yuav paab tau cov miv nyuas xim yeem lug hab yuav tsi muaj ib tug miv nyuas twg nplaam lub ncauj ke kawm ib yaam tseem ceeb vim tas lub Hom Phaj Qhuab Ntuag txhawb kev luj hlub rua txhua tug.

Ntxiv ntawd, Lub Hom Phaj Qhuab Ntuag npaav tau tas miv nyuas yuav kawm los muaj peev xim txawj txug theem huv puab qeb vim kev saib puab kev paub hab ua tau zoo yuav muaj thaws plawg xyoo. Cov kev saib tsi tu ncuav nuav yuav qha tau cov qhuab ntuag/xib fwb txug cov miv nyuas kev txawj hab kev xaav kws yuav tau ua taag ua thab thaus cov miv nyuas paub taab zuj zug. Tug qhuab ntuag/xib yuav paab tau miv nyuas ua ntej muaj teeb meem, tau kev kub ntaiv los twg kev moog tom ntej.

Thov khaws phoo ntawv nuav tuab zoo hab saib tsi tseg thaws plawg xyoo. Pev lub hom phaj qhuab ntuag rua koj tug miv nyuas kev to taub txug kev kawm, saib nwg kev luj hlub hab kev poo npoj huv tsev kawm ntawv hab huv tsev zoo le caag. Siv lub hom phaj dlej num lug paab koj tug miv nyuas to taub txug kev tshawb hab npaaj num. Coj phoo ntawv nuav moog rua huv rooj saab laaj nam txiv/Xib fwb es siv nwg lug ua chaw pib sis thaam txug koj tug miv nyuas kev kawm. Tug qhuab ntuag los xib fwb yuav qha tau koj, los loov theem txawj kws ca sab tas miv nyuas yuav tau ntawd.

Milwaukee Partnership Academy, ib paab neeg txawj ntse huv Milwaukee hab lwm cov thawj coj huv zog kws txaus sab txhawb kev kawm, tau cog lug yuav paab teg num nuav. Ua ke nrug koj, peb yuav siv zug ua kuas koj tug miv nyuas moog taug raws *dlaam phaj* nyob huv Lub Hom Phaj kawm.

William G. Andreopoulos
Superintendent of Schools



Lug qha

Lub hom phaj ntawm phoo ntawv qhuab ntuag rua cov K–12 yog tsaa kev to taub hab paub txug theem teev tseg ntawm kev qhuab ntuag kws yeej muaj nyob huv xeev Wisconsin lawm. Tsev qha ntawv Milwaukee lub hom phaj qhuab ntuag moog sis law le xeev cov lug teev tseg hab ua tug twj taw ncauj kev rua koom txoos. MPS lub Hom Phaj qhuab ntuag muaj lub nam tswv yim nthuav ib qhov kev qhuab ntuag dlaav rua tsev qha ntawv. Cov hom phaj nuav yuav paab cov tsev qha ntawv, qhov tseeb yog cov neeg qhuab ntuag, xib fwb hab/los cov saib kev sis raug zoo lug txua kev txawj rua miv nyuas txij hlo ntawm Kindergarten txug theem High School. Cov Hom Phaj nuav los tseem paab MPS cov nam txiv/saib miv nyuas kuas paub hab txaus sab koom teg tsaa miv nyuas kev kawm tav hab luj hlub.

MPS lub Hom Phaj qhuab ntuag raug tsim tsaa lug ntawm peb yaam: nthuav kev kawm zoo, dlej num, hab tug kheej kev luj hlub/kev poo npoj. Cov nuav muab tug caag nthuav kom tswj qha ntawv hab yaam qha.

MPS lub Hom Phaj Qhuab ntuag qha meej txug yaam cov miv nyuas tsim nyog paub kuas paub muaj peev xim ua tau zoo raws theem paub kawm. Kev ntsuag kws qha tau tas miv nyuas puas ncaav tau dlaim phaj yuav tsum yog lub tsev qha ntawv ua tug leg. Yeej tswj tas cov kev ntsuag nuav yuav tsum yog ib feem ntawm tsev qha ntawv kev Npaaj Qha.

MPS lub Hom Phaj Qhuab ntuag tseem moog sis law nrug theem teev tseg ntawm lub koom hum American School Counselors (ASCA). Cov theem nuav yeej raug leeg paub thoob teb chaws hab raug leeg txais tas yog kev ntsuag kev luj hlub thaus txuam yuaj rua kev nthuav kev qhuab ntuag.

MPS cov Hom Phaj Qhuab Ntuag huv qaab nuav tau muab teev tseg raws le cov qeb nuav: K-2, 3-5, 6-8 hab 9-12. Lub hom phaj luj ntawm cov nuav yog yuav lug paab cov miv nyuas kawm txug paub tug kheej, kawm txug lub nplaj teb puag ncig paub, hab muab ob lub ntuj ntawd lug sis txuas.



KINDERGARTEN - QEB 2

Hom phaj qhuab ntuag nyob tsev qha ntawv theem qeg tsom rua cov lug qha kev paub ntseeg yug tug kheej, txhawb yug tug kheej moog rua kev tav, paub txav txim sab, teeb hom phaj, npaaj, hab dlaws teeb meem. Ntxiv ntawd, kuj tsom rua kev sis raug zoo, txawj sis has, hab kev muaj peev xim xyum coj cwj pwm zoo. Cov miv nyuas kawm huv theem nuav tsim nyog:

KEV KAWM

- Pib to taub tas kev xyum zoo coj yug le caag moog rua kev tav.
- Koom teg ua num hab ua si tsi pub dlhau nrim kawm ntawv.
- Pib to taub tas yuav kawm hab leeg txais tsev kawm ntawv txuj cai hab tej num naj nub ua le caag.

YUG TUG KHEEJ/SIS POO

- Pib to taub txug kev leeg paub txug kev xaav hab yuav ua caag ha yog kuas lwm tug zoo sab.
- Paub txug lwm tug kev xaav hab saib qhov xim txheej rua qhov zoo.
- Pib txaus sab txug tuab neeg zoo sis txawv hab zoo ib yaam.

DLEJ NUM

- Paub tuab neeg kev ua num ua ke ntxiv nyob huv tsev neeg, tsev kawm ntawv, hab huv zog.
- Sis paab nroog ua num kuas moog txug tuab lub hom phaj.
- Paub tas muaj num ntau yaam ntau tsaav hab pib pum tas num tsi qheb kev rua txhua tug quas puj hab quas yawg.

THEEM QEG



QEB 3 - 5

Hom phaj qhuab ntuag nyob tsev qha ntawv them qeg tsom rua lub tswv yim qha kev paub ntseeg yug tug kheej, txhawb yug tug kheej moog rua kev tav, paub txav txim sab, teeb hom phaj, npaaj, hab dlaws teeb meem. Ntxiv ntawd, kuj tsom rua kev sis raug zoo, txawj sis has, hab kev muaj peev xim xyum coj cwj pwm zoo. Cov niv nyuas kawm huv them nuav tsim nyog:

KEV KAWM

- Paub qha tas xaiv qhov zoo yuav coj tau yug rua qhov zoo
- Paub qha tas kev nrhav xuv lug dlaws teeb meem yog txawj noog lug, txawj has lug hab txawj sau.
- Cim tau tsev neeg hab nwg kev lig kev cai hab kev txawj ntse.

YUG TUG KHEEJ/SIS POO

- Mov tuab neeg kev zoo sis xis hab sis txawv.
- Paub qha tuab neeg tug cwj pwm hlwb zoo, chim taug, txawj sis poo hab lub kheeb.
- Paub yug hab lwm tug kev xaav hab paab yaam txaus sab log, ua zoo saib, hab ua qhov zoo log.

DLEJ NUM

- Paub txug yug kev nyam, moj yaam, tsim txaj hab lub peev xim hab pib muab cob cog rua tej dlej num.
- Paub txug qhov chaw ua num hab cim tej qauv huv zog.
- To taub txug kev tuab neeg ua num ua ke hab sis vaam khom.

THEEM NRAAB



QEB 6, 7, hab 8

Hom phaj qhuab ntuag rua cov kawm qeb 6, 7, hab 8 tsom rua kev nthuav kev paub ntseeg yug tug kheej, kev nrhav kev txawj ntse rua yug tug kheej, kev ntshaw hab peev xim, hab kev luj hlub rua phaab txawj dlaws teeb meem, sis cev lug, txav txim sab hab tshawb txug dlej num. Paub kawm txug tej yaam muaj txawm peem, kawm kuas txawj tswj hab dlaws teem meem. Cov kawm cov qeb nuav tsim nyog:

KEV KAWM

- To taub txug cov kev kawm huv High School hab xaiv lub theem taw kws yog rua lub hom phaj kawm, moj yaam kawm, etc.
- Cim kev sis cob cog ntuam kev kawm tav hab ncauj ke kawm yaav peg suab hab ua num.
- Txawj siv caij lug txhij kev kawm hab kev ua si hab nthuav cwj pwm kawm ntawv.

YUG TUG KHEEJ/SIS POO

- Pib tshawb lub tswv yim ntseeg txug kev yug ua yug hab txav txim sab; kawm txug kev rov pum yug tug kheej.
- Qha tej yaam yuav tau hloov huv yug, huv tsev neeg hab lub zej zog hab qha txug tej kev yuav txheem tej ntawd.
- Qha txug kev txawj sis cev lug, los loov kev txawj xyeeb hab sis has kws tseem ceeb rua kev tsaa hab tuav kev sis cob cog hab yug lub kheeb.



DLEJ NUM

- Tshawb txug kev xaiv dlej num yaam tsi tu nrim rua txuj kev tshawb, kev txawj los haaj num.
- Saib yaam yug nyam, kev kawm hab yug tug zug hab kev ntse hab saib puab cob cog le caag rua tej dlej num.
- Qha tas yeej to taub txug tej chaw ua num hab kev hloov num raws caij nyooq hab leeg paub txug kev leeg txais tej ntawd.

10 YAAM HAS TXUG QHOV TSEEB NTAWM KEV UA NEEJ

Pib thaam txug qhov tseeb ntawm lub neej tej zag yuav nyuaj rua ib txha nam txiv vim tas puab tsi hlub nyob rua cov tsaam thawj pheej thaam txug yaam nuav. Tej zag ib txha nam txiv tseem ntshai tas puab tsi paub yuav teb los txhuv puab heev txug tej xuv kws muaj rua puab. Yuav paab puab, muaj 10 yaam tswv yim tuaj ntawm cov neeg txawj ntse yuav Tawm suab paab cov Hluas:

1. Xub thawj, txhawb kev sis cev lug lug leeg rua miv nyuas tas puab nrug koj sis thaam txug dlaab tsi los tau le.
2. Siv lub caij kws muaj tej yaam koj yuav qha tau. Ib tug phooj ywg xeeb tub, ntawv xuv xim, los tej qhov TV kws yuav pib tau kev sis thaam.
3. Noog ntau dlua koj has. Xaav cov lug kws puab nug koj tuab zoo. Qha koj tug miv nyuas tas yaam koj nov ntawd yeej yog yaam kws miv nyuas xaav nug.
4. Txhob caws qa moog rua lu xaav. Qhov miv nyuas nug txug kev sis dleev tsi txhais tas yog puab tub sis dleev lawm los xaav sis dleev lawm.
5. Teb ua yooj yooj yim hab ncaaj nraim xib. Muaj pov thawj, qha dlawb paug, ua tuab tuab lu, hab has kag lub ntsab.
6. Txais miv nyuas kev xaav. Qha koj cov kev xaav hab qhov zoo hab paab miv nyuas has puab cov tawm.
7. Has rua cov hluas tas puab yeej zoo xis teb xis chaw — hab puab cov lug hab kev xaav los tuab yaam.
8. Qha koj cov miv nyuas txug yaam kev txav txim sab zoo txug kev sis dleev hab saib puab kuas mam dlhau cov tsaam thawj ntshuv.
9. Thaus koj tsi paub teb lawd, qha hlo. Has hlo tas meb le tshawb cov lug teb huv internet los library ua ke.
10. Qha tas qee zag yuav yooj yim rua miv nyuas nrug lwm tug thaam dlua nrug koj. Meb le xaav ua ke txug lwm tug rua miv nyuas moog nrug thaam.

THEEM SAB



QEB 9, 10, 11, hab 12

Hom phaj qhuab ntuag nyob them High School yog tsim tsa lug paab cov miv nyuas siv puab kev to taub txug ntau yaam fwj chim kws yuav tsa paub kev kawm los xyum npaaj. Hom phaj qhuab ntuag paab cov miv nyuas tso hab siv puab kev paub txug tug kheej/ kev txawj sis poo hab txawj ntse, hab tshooj puab lub peev xim lug siv puab cov kev paub txug dlej num hab kev cob cog rua dlej num lug coj puab moog rua ntau yaam kev xaiv tom qaab post-secondary taag. Cov miv nyuas nyob cov qeb nuav tsim nyog:

KEV KAWM

- Cim kev sis cob cog ntawm kev kawm tav hab ncauj ke kawm yaav peg suab hab ua num.
- Qha tas yeej xeev txug yug feem kws yuav tsum kawm ntawv hab paub tshawb txug tej kev paab cuam.
- Nthuav tug cwj pwm kev kawm zoo tsi tu ncuav, kev txawj tswj caij nyooq, txawj xaav kuas muaj peev xim kawm ib sim neej.

YUG TUG KHEEJ/SIS POO

- Hloov kev dlai lwm tug moog rua yug ib leeg huv kev txav txim sab hab txawj sis cev lug, tuav kev sis cob cog zoo hab txhim khu yug lub kheeb.
- Khaav txug lub peev xim sis koom teg ua num ua ke huv tsev kawm ntawv, chaw ua num, huv tsev hab huv zog lug mov txug kev sis paab.
- Cim kev sis txawv ntawm kev maaj, siv zug hab kev nkeeg es muab qhov nuav lug siv kuas tau num lug tiv thaiv hab tswj kev tsi sis hum xeeb.

THEEM SAB



DLEJ NUM

- Tsim ib qhov kev npaaj kawm hab xyum raws le kev tshawb nrhav txuam yuaj rua yug yaam khov, nyam hab qeb kuas ncaav tau lub hom phaj.
- Txuam yuaj rua kev tshawb lug ntawm kev nthuav kev txawj muab xuv es siv technology hab lwm yaam kws yug muaj.
- Siv cov kev txawj kws kawm tau lug ua kuas tav theem high school has txug kev ua num huv nplaj teb hab kev kawm theem sab xis le has muaj chaw txawb chaw rau, has tau lug zoo, saib lwm tug muaj nqes hab qha txug yug feem.

THAUS XAAV TXUG COLLEGE...

- ★ Koom kev cob qha yuav moog nkaag college (pre-college).
- ★ Sau cov tsev kawm ntawv koj nyam cov npe hab muab xuv txug puab.
- ★ Tso npe nkaag sis tw ACT ua ntej December huv koj xyoo peb.
- ★ Moog saib cov campuses, thov nkaag hab thov nyaj paab.
- ★ Txav txim sab kev moog theem sab: college, kawm technical tub rog los ua num.

THAUS NPAAJ UA NUM...

- ★ Tshawb koj lub peev xim hab yaam koj nyam.
- ★ Saib lwm yaam qauv ua ntej pib sau.
- ★ Moog ntsib cov ua num rua qhov chaw tseem ceeb.
- ★ Nug txug Technical/ua num kws muaj huv high school.

Pib ntawm koj tug School Counselor moog! Muaj ntau lub agencies, koom hum, hab tuab neeg kws xaav paab txawm tas koj ua tau tsi zoo huv tsev kawm ntawv hab rua lub neej. **Yij meem siv puab!**



Milwaukee Public Schools

MILWAUKEE PUBLIC SCHOOLS YAAM PAAB RUA KEV TAV

- ★ Kawm ua ib tug kawm ntawv zoo.
- ★ Txawj siv cov caij saab nrau tsev kawm ntawv.
- ★ Pib xaav txug lub neej yaav peg suab.
- ★ Thov kev paab thaum koj xaav tau.
- ★ Npaaj dlej num rua lub neej peg suab.
- ★ Xyum sau lug ca.
- ★ Kawm yaam nyuaj.
- ★ Nyob peg hauv ntej.
- ★ Txuam yuaj kev sis thaam huv chaav kawm.
- ★ Nug.
- ★ Ua cov num kuas raws caij.
- ★ Nrhav kev txhim khu yaam yug txawj.
- ★ Kawm kuas paub dlaim keyboard.
- ★ Kawm khu/los sau dua dlaim ntawv.
- ★ Nthuav kev txawj sis tw.
- ★ Nthuav cwj pwm kws yuav coj moog rua kev tav.
- ★ Nrhav chaw ntsag tu lug kawm ntawv.
- ★ Teem caij ua homework txhua nub.
- ★ Kuas ib tug phooj ywg los tug huv tsev nyeem cov ntawv koj sau tau.
- ★ Siv library.
- ★ Nyeem ntawv xuv xim hab magazines.
- ★ Saib cov lug yug tsi paub huv dictionary.
- ★ Nrug tug neeg huv tsev los phooj ywg thaam txug hauj lwm.

Ntseeg – Ces tav!

TSWV YIM TSWJ KEV NPAU TAWG:


- Tso paa tawm. Ua paa hlub yog ib qhov kev qeb yug lub cev tseeg quas nkawg ntawd rua cov tswv yim tawm tuaj.
- Nrug cov phooj ywg thaam. Muab tej yaam le ntawd thaam yuav txu tug zug chim hab tiv thaiv yaam tsim nyog ua.
- Tawm dlaag zug. Kev tawm zug yog ib tug caag txu kev chim.
- Muab kev zoo sab lug rua lub tsaam thawj phem. Yog koj luag tau huv cov xim txheej nyuaj, koj tso tau cov kev xaav phem tawm hab qheb chaw rua lwm yaam koj yuav ua.
- Noog suab seev xoob lub cev hab cov hlwb (Cov suab seev es xoob xoob yog cov tsim nyog siv.)
- Su. Su txaus qheb kev rua lub hlwb hab lub cev ua num zoo.
- Nrug cov laug thaam(nam txiv, counselor, minister, etc.) Muaj cov neeg nuav txawm peem yuav nrug miv nyuas los nam txiv thaam. Txhob ca le txug theem koj tau nrug ib tug kws koj ntseeg sab thaam txug koj kev ntxhuv sab.
- Kawm tso kev npau nco tawm rua qhov zoo. Ua num, xis le taug kev, caij tsheb kauj vaab, nyeem ntawv los seev suab kws hloov koj tej kev ntxhuv.
- Xyum txhawj hlub hab mov lwm tug. Kev hlub hab nyam yog yaam kawm tau. Yog peb to taub cov nuav ntau ke caag, peb lub peev xim saib yug tug kheej hab lwm tug tseem ceeb yim ntau le ntawd.
- Kawm tsom xaam tsi txhob ceeb sob rua qhov xim txheej. Kev tsom xaam ua rua peb xaav ua ntej ca le ua tej yaam hab yuav taav tau tej yaam peb ca le ua raws npau tawg.

Believe it – Achieve it!

MILWAUKEE PUBLIC SCHOOLS

Hom Phaj Kawm yuav muaj kev zoo rua koj hab koj tug miv nyuas.

- Hom Phaj Kawm qheb kev rua koj pum yaam koj tug miv nyuas yuav kawm huv cuaj yaam nyob huv tej qeb kawm.
- Cov xib fwb yuav muab tau qauv ntawm cov num miv nyuas ua rua koj saib kuas koj paub yaam yuav tshwm sim lug ntawm koj tug miv nyuas.
- Yog koj tug miv nyuas ncaav tsi tau theem txawj le sab xaav, tug xib fwb yuav paub yaam kws koj tug miv nyuas yuav tsum kawm hab yuav qha cov teeb meem.
- Cov miv nyuas los yuav paub tas tej hlub tog dlaab tsi ntawm puab. Puab yuav pum cov ntawv hom phaj kawm kws lu phaab tsaav huv chaav tsev kawm has txug tej yaam kawm ntawd.



Hom Phaj Kawm paab cov tsev kawm ntawv dlha num tau xim yeem.

- Cov xib fwb qha txhua qeb ua raws tuab lub hom phaj, siv tuab lub tswv yim.
- Xaav kuas txhua tug miv nyuas kawm tau zoo xim yeem log.
- Muaj tuab lub Hom Phaj nyob huv txhua chaav tsev kawm txhais tau tas yog ib tug miv nyuas yuav hloov tsev kawm ntawv los yuav tsi nplaam yaam tseem ceeb huv nwg kev kawm.

Cov miv nyuas kws ho kawm tsi tshua tau los yuav muaj ntau txuj kev rua puab lug moog ncaav kuas tau lub Hom Phaj.

- Cov miv nyuas kws yuav yuav kev paab ib caag los yuav raug tog txais raws le puab lub peev xim kawm raws caij nyoog.
- Kev npaaj rua puab yuav has rua huv cov ntawv IEP los kev npaaj kev kawm 504.
- Cov miv nyuas nuav yuav muaj caij ib caag lug ua puab cov num hab rua kev ntsuag puab kev kawm.
- Puab tseem yuav tau txais kev qha ua num ib theem zuj zug nrug rua tej twj paab kuas puab tej khoom nyob muaj chaw.
- Qee zag, paab IEP/504 yuav tau tsoom xaam saib tug txheej txheem qha ib caag rua cov miv nyuas nuav puas yuav yog qhov zoo.

©2006 Tsev Qha Ntawv Milwaukee. Phoo ntawv nuav yog Division of Teaching and Learning, Office of Academic Excellence, koom nrug Office of Communications and Public Affairs, ua tawm.

Yuav saib MPS cov phoo ntawv Hom Phaj (Nam txiv ntu) nkaag rua <http://mpsportal.milwaukee.k12.wi.us> hab ndliv "Nam txiv."
Yuav saib cov xib fwb ntu, nkaag rua <http://mpsportal.milwaukee.k12.wi.us> hab moog rua Teacher Community homepage.



Milwaukee Public Schools
5225 W. Vliet Street
Milwaukee, WI 53208

PRESORT
FIRST CLASS
U.S. Postage
PAID
Milwaukee, WI
Permit No. 3240